

春秋左傳會要

左傳傳也而列於經故漢儒專治之自漢以來人于
一卷亦既自謂握靈蛇珠矣然而鮮有能盡其蘊者
杜元凱號稱左癖亦不過句梳而字櫛之俾讀者曉
然易解而其中義蘊之闕包含之富則亦不能無遺
焉余於是書原未嘗有所窺測第自束髮受書卽已
肄業及之止欲借以爲帖括助而習熟旣久偶能綜
貫隨以己見書之於冊比從書簾中檢得馬氏事緯
適協余心因再加釐訂而別爲一書焉若謂余有所
會心而居然得其要領也則豈敢兩村李調元序

春秋左傳會要目錄

卷一

天文分野

日食三十六

辰月

星名

星字三

星隕一

隕石一附

雨雪

經用周正傳參夏時

周歷

周室封建

天子諸侯建都

諸侯興廢

國號不一

列國城郭井里宮室園池

卷二

姓氏

諡法

王侯妃匹

晉卿十一族

魯三桓

春秋同姓名人

盟誓

兵戎

陳名

刑名

卷三

變卦起於左氏

左傳引尚書

春秋賦詩斷章

逸詩

歌

謠

誦

諸

銘

箴

繇詞

雜詞

諺
古人之
言附

誄

策命

盟辭

禱辭

誓辭

引古書

隱語

葬歌

卷四

左氏字義

用字之異

春秋王侯之享年久者

善星文人

勇力人

善射人

形貌

美婦人

手文

鬼神

夢異

物怪

衣飾

車

舟

鼎

鐘

鼓

琴

劍

弓

矢

甲

旗

王

器

賄賂

木

鳥

獸

馬犬龜蝦

春秋左傳會要目錄畢

春秋左傳會要卷一

羅江 李調元贊撰

天文分野

分野之說古人每詳言之周禮保章之職既難考論而見於左氏內外傳者猶可類推也武王克商歲在鶉火故伶州鳩曰歲之所在我周之分野也則鶉火爲周分矣晉文卽位歲受實沈故董因曰晉人是居則實沈爲晉分矣襄二十八年歲淫元枵禍衝于鳥尾周楚惡之則鶉尾爲楚分矣昭十七年星見大辰梓慎知宋鄭之災曰宋大辰之虛也則大火爲宋分

矣獨其說有可疑者星紀北而吳越南井鬼南而秦居西虛危在北降婁屬西魯宅曲阜或又以受封之始歲星所在爲說然有絕而復續者封日旣異前星又豈可據乎夫春秋戰國地域變遷三晉未分晉當何區秦拔西河魏當何屬周末東遷何故已直鶉火陳滅于楚何自而入韓分且中國幾何蠻夷戎狄豈日星所不臨哉天道在西北而晉不害越得歲而吳受其凶皆以歲星所在言之也然豈實衛晉何以吉吳越同野吳何以凶衛旣水屬何故與宋陳鄭同火而裨竈先知之且顛頊之虛姜氏任氏實守其祀

是又齊薛之分矣此皆不可曉者前哲要自有見也

日食三十六

隱三年春王二月己巳日有食之

桓三年秋七月壬辰朔日有食之既

十有七年冬十月朔日有食之

莊十有八年春王三月日有食之

二十有五年六月辛未朔日有食之鼓用牲于社

二十有六年冬十有二月癸亥朔日有食之

三十年秋九月庚午朔日有食之鼓用牲于社

僖五年秋九月戊申朔日有食之

十有二年春王三月庚午日有食之

十有五年夏五月日有食之

文元年春二月癸亥日有食之

十有五年夏六月辛丑朔日有食之鼓用牲于社

宣八年秋七月甲子日有食之既

十年夏四月丙辰日有食之

十有七年夏六月癸卯日有食之

成十有六年夏六月丙寅日有食之

十有七年冬十有二月丁巳朔日有食之

襄十有四年春二月乙未朔日有食之

十有五年秋八月丁巳日有食之

二十年冬十月丙辰朔日有食之

二十有一年秋九月庚戌朔日有食之

冬十月庚辰朔日有食之

二十有三年春王二月癸酉朔日有食之

二十有四年秋七月甲子朔日有食之既

八月癸巳朔日有食之

二十有七年冬十有二月乙亥朔日有食之

昭七年夏四月甲辰朔日有食之

十有五年夏六月丁巳朔日有食之

十有七年夏六月甲戌朔日有食之

二十有一年秋七月壬午朔日有食之

二十有二年冬十有二月癸酉朔日有食之

二十有四年夏五月乙未朔日有食之

三十有一年冬十有二月辛亥朔日有食之

定五年春王三月辛亥朔日有食之

十有二年冬十有一月丙寅朔日有食之

十有五年秋八月庚辰朔日有食之

哀十有四年夏五月戊申朔日有食之

良月

十月爲良月傳曰就盈數焉

星名

龍

角亢也傳曰龍見而雲龍見而畢務

天根

氐也外傳曰天根見而水涸

天駟

房也外傳曰月在天駟

大辰

心也傳曰星孛大辰

大火

心也傳曰心爲大火火伏而後蟄者畢

龍尾

尾也傳曰龍尾伏辰

天策

傳說星也傳曰天策焯焯

析木之津

箕斗閒也傳曰今在析木之津

星紀 斗牽牛也傳曰歲在星紀

婺女 須女也傳曰星出婺女

元枵 虛危也傳曰淫于元枵

天黿 虛危也外傳曰星在天黿

蛇 虛也傳曰蛇乘龍

顛頊之虛 虛也傳曰歲在顛頊之虛

北陸 虛危也傳曰日在北陸而藏冰

大水 營室也傳曰其星爲大水

娵訾之口 室壁也傳曰歲在娵訾之口

豕韋 室壁也傳曰歲在豕韋

降婁 奎婁也傳曰降婁中而且

大梁 昂畢也傳曰歲及大梁

西陸 昂畢也傳曰西陸朝覲而出之

實沈 參也傳曰實沈主參

味 柳也傳曰味爲鶉火

鶉火 柳星張也傳曰鶉之賁賁

鳥帑 翼軫也傳曰以害鳥帑

北斗 紫微垣附近星也傳曰星孛入于北斗

歲 歲星也

漢 天漢也傳曰西及漢

孛

妖星也

彗

妖星也傳曰齊有彗星

星孛三

哀十四年在獲麟後不數

文十有四年秋七月有孛星入于北斗

昭十有七年冬有星孛于大辰

哀十有三年冬十有一月有星孛于東方

十有四年冬有星孛

星隕一 隕石一附

莊七年夏四月辛卯夜恒星不見交 星隕如雨

僖十有六年春王正月戊申朔隕石于宋五

雨雪

雪曰雨雪螽曰雨螽凡自上下者皆曰雨

經用周正傳參夏時

春秋經用周正而傳或參以夏時以經爲孔子所筆削而傳則旁採傳記也周禮烝以仲冬而魯烝以正月時王之正月也定之方中夏之十月周之十二月而城楚邱乃書於來年之正月紀其成也何以見傳之參以夏時也四月取麥秋取禾是夏時矣穀卽來朝經書夏傳記以春亦用夏時也而正月朔日南至傳顧以周正說傳亦何常之有若以孔子欲行夏時

而遂謂春秋之經亦用夏正則二月無冰十月大雪
又何必以書異哉抑又考之晉人城杞師曠曰會于
承匡之歲於今七十三年然自文十一年正月至襄
三十年二月癸未實七十四年則與曠說違以長歷
計之文十一年之三月乃甲子朔實夏之正月而合
七十三年之數晉固用夏正矣左氏或據晉史不能
盡革故十二月申生縊經書明年春十一月殺先克
經書明年正月冬殺平鄭經書明年春經傳互異而
杜氏每曰從赴夫赴必稱日月豈能更乎諸儒紛紛
殊爲無稽

周曆

春正月建子

日南至
土功畢

殷十二月夏十一月

二月

建丑

日在北
陸藏冰

殷正月

夏十二月

三月

建寅

故蟄
而郊

殷二月

夏春正月

夏四月建卯

日在
降婁

殷三月

夏二月

五月

建辰

日在西
陸出
冰火昏見

殷四月

夏三月

六月

建巳

龍晨見
東方而暍

殷五月

夏四月

秋七月建午

殷六月

夏五月

八月

建未

殷七月

夏六月

九月

建申

殷八月

夏七月

冬十月建酉

如殺而嘗

殷九月

夏八月

十一月建戌

日在心龍晨見東方土功戒事

殷十月

夏九月

十二月建亥

大星見土功我用鼎鑿而祭水昏正土功裁

殷十一月夏十月

周室封建

周室封建自武王及成康皆有之故昭九年傳曰武王成康之建母弟二十六年傳曰武王克殷成王靖四方康王息民並建母弟以蕃屏周是也按周公營洛始封康叔成王翦桐以封唐叔如此之類明非武王所封也其昭二十八年傳曰武王克商尤有天下兄弟之國十有五人姬姓之國四十人蓋言克商乃

得封建歸功於武王耳又僖二十四年傳曰周公弔二叔之不咸故封建親戚以蕃屏周然所數二十六國亦非盡周公一時所建也

天子諸侯建都

天子建邦設都故諸侯分土而置周自后稷封邰公劉遷豳太王居岐文王作豐則猶夏商之侯國也武王宅鎬成王營洛以定鼎則爲天子矣及周室凌夷而平王東遷遂入春秋其曰王城卽成王定鼎之郊廓也其敬王之遷成周卽成王所營之下都也

魯都曲阜本少昊之墟也又大庭氏居之故傳有大

庭氏之庫又曰大庫之庭

晉都唐謂之夏墟大名也本堯所都謂之平陽晉水出焉故名曰晉正名翼亦名絳而平陽是其總名曲沃繼統遂居晉都至景公遷於新田復命新田爲絳而以故都爲故絳

齊都薄姑遷於營邱本顓頊之墟也

秦非子始居秦谷襄公赴幽王之難故平王與以岐豐之地莊公居犬邱文公居汧渭德公遷於雍自德公以下十八世居雍至獻公遷櫟陽孝公遷咸陽皆在春秋後也

楚都丹陽武王遷郢至昭王爲吳所滅又遷於都其始號荆至成王始改號楚也

宋都商邱本陶唐氏火正闕伯之墟也謂之火辰之墟相王因之

衛都朝歌本紂都謂之商墟及懿公爲狄所滅宋桓公立戴公以廬于曹齊桓公城楚邱而遷之後文公又遷於帝邱顓帝之墟也故曰帝邱夏世昆吾氏居之故有昆吾之墟

鄭本封西周畿內之地至武公而遷濟洛河潁之間謂之新鄭

陳都宛邱大皞之墟

蔡都汝南昭侯服役于楚徙州來

許國小近鄭再滅之以爲俘邑悼公附楚遷葉又遷於城父又遷於白羽許遷於容城

曹都定陶

莒都密州遷鹽官謂之南莒

邾都邾文公遷於繹其後魯伐邾取繹當別有繹

吳都姑蘓

越都會稽

滕遷都於公邱其故地爲小邾

薛故都本在魯地築臺於薛是也奚仲遷於邳
杞都雍邱遷於緣陵又遷淳于

小邾都故滕也以上二十國有世系圖

諸小國都名見左傳者虢都上陽州都淳于邠都開
陽肥都昔陽都都商密

諸侯興廢

魯滅四國

項

根牟

鄆

邾

晉國十三國

耿

霍

魏

虢

虞

潞氏

甲氏

留吁

鐸辰

偁陽

肥

陸渾

鼓

齊滅五國

紀

譚

遂

鄆

萊

秦滅二國

梁

滑

楚滅二十國

權

申

鄧

息

弦

黃

夔

江

六

蓼

庸

蕭

舒蓼

舒庸

舒鳩

賴

唐

頓

胡

陳

宋滅一國

曹

衛滅一國

邢

鄭滅一國

許

蔡滅一國

沈

莒滅一國 鄆

邾滅一國 須句

吳滅二國 徐 巢

越滅一國 吳

狄滅一國 溫

國號不一

燕有二故一曰北燕邾有二故一曰小邾號亦有二而不稱東西者其時西號已滅矣

楚本號荆國有二名猶之晉曰唐殷曰商也邾至戰國爲鄒鮮虞至戰國爲中山

古者以縣統郡與後世不同故楚人滅國以爲九縣
晉趙簡子曰克敵者上大夫受縣下大夫受郡杜氏
曰千里百縣縣有四郡

列國城郭井里宮室園池

城方丈曰堵堵三爲雉城上女牆曰牒曰陴曰短垣
地有兩名者時來曰邾犬邱曰垂句瀆之邱曰穀邱
黑壤曰黃父夷曰城父析曰白羽犖曰櫪郊曰拔卷
楚曰斷道沙曰瑣祝其曰夾谷垂葭曰鄭氏牽曰脾
上梁之閒鄭曰發陽

道六達謂之莊齊城外有之九達謂之達鄭城內有

之或名達市或名達路或名大達吳晉往來之道曰夷庚魯東南有五父之衢鄭有周氏之衢衛有馬路之衢

楚人冢前闕曰經皇寢門闕曰室皇大夫亦有寢門傳曰晉趙盾寢門闕矣臣亦有朝傳曰崔氏之朝王侯之廟以謚名宮如周平宮桓宮莊宮魯煬宮僖宮之類是也鄭祖廟曰大宮楚曰大室

諸侯之宮曰公宮太子之宮曰東宮又魯有楚宮晉有固宮銅鞮之宮虜祁之宮楚有渚宮章華之宮宋有沃宮鄭有西宮北宮

諸侯之臺晉虜祁之宮說苑作馳底之臺楚有章華之臺齊有遄臺檀臺衛有靈臺秦亦有靈臺按列國多有臺晉靈公從臺上彈人季平子登臺而請之類是也

周

城門曰東門

園門

北門

亦名乾祭

魯

城門曰東門

亦名雩門

南門

亦名稷門

上東門

東城北門

鹿門

南城東門

北門

郭門曰萊門

子駒之門

城內有社圃

桐汝之間

外有蒲圃

晉

有桃園

齊

城門曰東門

亦名東閭

西門

亦名揚門

北門

稷門

鹿門 雍門

城中有魚里 外有中池

秦 城門曰東門

楚 城門曰西門 北門

城中有蒲胥之市

宋 城門曰揚門正東 盧門東 桐門北 南門

西門 曹門 蒙門 澀門 有舊墟桑林之

門

城內有南里

衛 城門曰東門 南門 西門 北門 閼門

郭門曰蓋獲之門

城內有藉圃

郎

城門曰東門

南門

北門

舊北門

渠閘

皇門

郭門

墓門

師之梁

時門

閨門

外郭門曰純門

遠郊門曰桔佚之門

城中有襄庫

羊肆

城中之里曰中分

城

外有南里

陳

城門曰粟門

許

城門曰東門

邾

城門曰魚門

郭門曰莖門

絞 城門曰南門 北門

爾雅曰梁莫大于溴梁又曰梁山三窟室也

魯有大野傳曰西狩于大野宋有孟諸傳曰孟詩之
麋楚有雲夢傳曰楚子田江南之夢又曰涉睢濟江
入于雲中鄭有圃田傳曰鄭之有原圃猶秦之有其
圃大野諸名亦皆爾雅釋地文也

春秋左傳會要卷一

春秋左傳會要卷二

羅江

李調元

贊
菴撰

姓氏

姓氏今不復別按天子賜姓命氏諸侯命族族者氏之別名也姓以繫百世使不別氏以別子孫所自出舜之嬀禹之姁伯夷之姜是因生賜姓也舜曰虞禹曰夏伯夷曰呂是胙土命氏也叔牙季友則以字矣宋戴衛齊則以謚矣司徒司馬則以官矣趙魏范韓則以邑矣蓋天子既命之曰齊魯侯業已胙土命氏而諸侯位卑無土可分故不命氏而命族久之則族

亦氏也但不敢賜姓耳姓繫百世如周之支庶皆守
姬姓其曰魯衛毛冉之名則子孫所別也謂之氏矣
胙土命氏據封諸侯然耳亦有王臣不封者王亦或
賜之族與諸侯之臣無異春秋尹氏武氏是已諸侯
之臣卿乃得賜族蓋位登其極理合建家無駭卿也
故暈請之有德薄未足建家則雖卿亦不賜族暈挾
溺柔其後無聞未得族也國語稱黃帝之子二十五
人其得姓者十二人天子之子不盡得姓諸侯之臣
豈盡得族哉其士會之齊處秦者爲劉氏伍員之子
在齊爲王孫氏如此之類非盡君賜子孫繁衍其流

至於萬姓是又當別論也

晉侯名周衛侯名鄭陳侯名吳衛侯名晉魯侯名宋皆以國爲名者也或曰不以國謂不以本國耳

諡法

諡法起於周前此未有也卒哭而諱將葬而諡周人以諱事神故諱則有諡白虎通言生有爵死有諡謂君卿大夫同也春秋之世吳越之君無諡闔廬句踐是已秦楚宋鄭之卿無諡孟子文華元子產是已晉衛之大夫無諡羊舌肸蘧瑗是已

布德執義曰穆名與實爽曰繆秦伯任好三納晉君

遂霸西戎宜稱穆矣而諸家謂其殺三良以殉故諡曰穆夫葬穆者康公也豈有故從其亂命而加以惡諡乎

靈惡諡也春秋被弑之君如晉之夷臯陳之平國鄭之夷楚之虔咸諡曰靈楚成王諡靈不暝共王曰爲靈若厲其爲惡諡也明矣然史稱周之東也王綱不振道靈王周道姑昌諸侯服從故左氏曰靈王生而有鎮王甚神聖無惡于諸侯克終其世又似非惡諡也

楚世家言熊通自立爲楚武王則非諡法然恐亦臨

文遷就之辭耳如周公謂伯禽曰我文王之子武王之弟成王之叔父伍子胥曰報爾平王當時周成楚平固在也史筆往往如此左氏亦有誤用者陳桓公方有寵於王惟一處而已

春秋諡有二字者衛之貞惠文子也有生賜者衛侯之於北宮貞子析朱成子也有出奔而仍得諡者臧武仲中行文子也有作亂被誅而仍得諡者崔武子樂懷子也

婦人無諡諡從其夫而已晉文嬴衛寡姜莊姜宋共姬秦穆姬之類是也亦有與夫異諡者如景之穆后

桓之文姜莊之哀姜惠之繼室聲子成之妾定嬖又不盡然卿之內子或亦殊諡孟穆伯之戴已聲已是也

晉文公從亡之臣見於傳者狐偃趙衰顛頡魏犢胥臣狐毛賈佗介之推凡八人鄭叔詹曰有三士足以上人國語宋公孫固曰晉公子父事狐偃師事趙衰長事賈佗又說苑介子推懸書云五蛇從之左傳叔向曰有士五人諸說互異未詳所指

傳曰驪姬之亂詛無畜羣公子故文公子雍在秦樂在陳黑臂在周襄公之孫談在周蓋諸子悉出他國

懲驪姬之亂也雖成公復立公族而顯者亦少是後見於傳者唯楊干及愍耳昭十八年鄭人救火辭晉公子公孫于東門外是公族猶多在他國也

王侯妃配

婦人國下繫姓示不忘本且別他族齊姜衛姬葛嬴宋子之類是也有字下繫姓者齊女曰孟姜季姜宋女曰孟子仲子是也有諡下繫姓者莊姜聲子懷嬴文芊是也姬爲周姓故王室及同姓之女皆曰某姬晉平公以同姓之女爲嬪御故子產曰內有四姬後世不知遂以爲侍妾之稱國策言幸姬如姬漢書言

諸姬愛姬不辨爲周姓矣惟娣姒之姒不以禹姓爾
雅曰長婦謂雅婦爲娣婦娣婦謂長婦爲姒婦則自
古已然

婦人有名有字婚禮納采問名公羊傳字而笄之如
宋元之母曰棄齊景之妃曰重是其名也伯姬叔姬
伯叔是其字也

匹配曰妃名通適妾故陳哀公有元妃二妃下妃魯
惠公亦有元妃孟子元之一字兼始適二義故杜曰
始適夫人若始而非適適而非始皆不得稱元孟任
哀姜是已妃字則無尊卑之異雖大夫亦稱之禮曰

以某妃配某氏是也其尊卑殊稱詳於曲禮天子曰后諸侯曰夫人大夫曰孺人士曰婦人庶人曰妻諸侯元妃既死禮無重娶之義而以元妃之姪娣爲繼室故惠公繼室以聲子晉侯請繼室於齊是大夫亦然傳曰臧宣叔娶於鑄而死繼室以其姪

周諸王妃

平王

宜日

桓王

琳

紀季姜

王后桓公九年逆

莊王

佗

王姚

王姜生子穰

僖王

胡齊

惠王

閻

陳媯

王后生襄王及王子帶

襄王

鄭

隗氏

王后狄女

頃王

注臣

匡王

班

定王

喻

姜氏

王后宣公六年逆

簡王

夷

靈王

泄心

姜氏

王后襄公十五年逆

景王

貴

穆后

王后生太子壽

敬王

丐

魯諸公妃

惠公

孟子人夫

聲子

繼室生隱公

仲子

再娶夫人生隱公

隱公

姑息

未詳

桓公

軌一
名九

文姜

夫人生莊公及季友
莊公十四歲卽位

莊公

同

哀姜

夫人

叔姜

生閔公

孟任

生子般

成風

閔公

倭方

未娶

僖公

申

聲姜

夫人生文公

文公

興

出姜

夫人生惡及視

敬嬴

生宣公叔辟

宣公

接名倭

穆姜

夫人生成公及宋伯姬
公衛之年成公又非穆姜所生

杜氏曰計

其母何氏也宣公元年娶穆姜成二年公
衡爲質公衡成公子也如成公爲穆姜所

生未得有長
成之男也

成公

黑肱

齊姜

夫人

定妃

生襄公四歲即位

襄公

午

敬歸

生子野

齊歸

生昭公二歲即位

昭公

裊

孟子

夫人

定公

宋

定妃

夫人生哀公

哀公

蔣

公子荆之母 雙未詳何氏

晉妃

齊姜

本武公妾獻公烝之 生秦穆姬及申生

賈君

獻夫

狐姬

生文

小戎子

生惠

驪姬

生奚齊其姊 卓子以上獻妃

梁嬴

惠公妻 生懷公

文嬴

文夫

偁姑

文妃 班在 二生襄公

季隗

琫在 三生 伯隗叔劉

杜

邢班在四注雍

辰嬴即懷嬴班在九人生樂

姜氏以上俱文紀

穆

嬴襄夫人

悼夫人杞女生平公

少姜平公寵

衡姬平公

妾

齊妃

王姬襄夫

衛姬僖公之寵生桓公

王姬 徐嬴

蔡姬

以上三人

共姬即長衛姬生無虧

少衛姬生惠公

鄭姬

桓夫人

葛嬴生昭公

密姬生懿公

宋華子生子雍以桓公

諸子叔姬昭夫人

蕭同叔子惠如生頃公

聲孟子

頃夫人

顏懿姬靈夫

駿聲姬生莊公

仲子牙生

戎子

穆孟姬生景公以靈諸妃

燕姬景夫

鸞姬生

胡姬

重

以上景妃

季姬

悼夫人

秦妃

穆姬

穆夫人生康公及公子宏

楚妃

鄧曼

武夫人

息媯

文夫人生堵敖成王

秦嬴

共夫人

巴姬

共王妾

鄭封人女

平夫人建生

秦嬴

平納建之婦生昭公

越女

昭妃生惠王

宋妃

共姬

共夫人生平公

弃

平妃生元

景曹

元夫人

衛妃

莊姜

莊夫人

厲媯

生孝伯

戴媯

生桓公上俱莊妃

夷姜

莊姜

宣公烝之

宣姜

宣公納急子之妻爲夫人生壽及

生急子

惠公又昭伯

烝之生齊子戴公文

公宋桓夫人

定姜

定夫

敬嬖

定姜生

宣姜襄

人許穆夫人

媼始襄嬖生孟

南子

襄夫

呂姜

莊夫

夏

出夫

禁及靈公

南子

襄夫

呂姜

莊夫

夏

戊女

出夫

鄭妃

武姜

武夫人生

鄧曼

莊夫人

雍姑

莊妃生

陳嬀

莊公及段

文芊

文夫

姜氏

江女生

士

蘇女俞彌

燕姑

生穆公

宋子

穆妃生

孔

圭嬀穆如生

姚子

穆妃生

靈

陳妃

鄭姬

哀元妃
生偃師

二妃生留

下妃生勝

邾妃

齊姜

文元妃
生定公

晉姬

文二妃
生捷甫

晉卿十一族

晉卿十一族韓魏趙狐胥先卻欒范中行知也賈季
奔狄而狐氏廢胥克有疾而胥氏廢先穀得罪而先
氏廢欒卻廢趙而趙復興欒氏謂殺三卻而卻氏廢
范宣子逐欒盈而欒氏廢知趙魏韓逐范中行氏而
趙魏韓復共滅知伯是後遂爲三晉矣

韓氏 其先與周同姓或曰韓萬曲沃莊伯之弟也

晉獻封萬于韓原以爲韓氏宣十二年景公以韓厥爲司馬成三年晉作六軍使厥將新中軍賞鞍之功也十三年將下軍十八年繼欒書爲政將中軍襄七年告老長子無忌有廢疾不得立讓于弟韓起使無忌掌公族大夫起佐上軍知瑩稟厥以爲政而悼公復霸昭二年起將中軍聘於魯觀書於太史氏曰周禮盡在魯矣十三年會於平邱二十八年卒定十二年韓不信同逐范中行氏不信之孫滅知伯再傳而侯侯六世而王王六世而秦滅之

魏氏 其先畢公高之後也武王封弟高于畢以畢

爲姓其裔孫畢萬事晉晉獻公滅魏以封之卜偃曰
其後必大萬盈數也魏大名也魏犇從亡文公以爲
戎右成十八年悼公卽位以呂相魏頡爲卿以魏絳
爲司馬襄三年絳佐新軍和諸戎十一年而有蕭魚
之會公曰八年之中九合諸侯子之力也賜絳金石
之樂十三年佐下軍十八年將之平公世也昭之五
年魏舒佐上軍二十八年晉滅祁羊舌氏舒遂爲政
將中軍頃公十二年也定元年城成周卒十三年曼
多同逐范中利氏後其子豹與韓趙共滅知伯傅斯
而爲列侯侯之孫稱王王六世而秦滅之

趙氏 其先與秦同祖至造又爲周穆下御賜以趙城因以爲姓七世孫叔帶云周事晉又五世而趙夙爲獻公戎御賜之耿驪姬之難趙衰從重耳出亡文公反國以爲原大夫僖二十七年晉作三軍欲以爲卿趙衰辭三十一年晉作五軍衰將新上軍始爲卿文二年襄公使佐中軍五年卒六年趙盾將中軍立靈公使趙穿爲散卿宣二年公無道穿弑之太史書曰趙盾弑其君盾以趙括爲公族大夫盾卒趙朔嗣立宣八年佐下軍十二年將之以括及趙嬰爲中軍大夫趙同爲下軍大夫成二年景公作六軍括佐新

中軍趙旃佐新下軍嬰通於莊姬同括放之姬譖殺同括既景公用韓厥之言而立趙武焉悼公立以爲卿佐新軍襄九年將之十二年將上軍二十五年將中軍相平公以爲政傳曰再生諸侯三合大夫服齊狄盜東夏平秦亂城洧于皆武之力也武退然如不勝衣其言訥訥然如不出諸口所舉於晉國管庫之士七十有餘家生不交利死不屬其子焉昭元年卒五年趙成佐中軍二十五年趙鞅合諸侯於黃父明年納敬王定十三年范中軍攻鞅奔晉陽於是知韓魏氏共逐范中行氏而反鞅哀二十年子無恤嗣無

恤與韓魏滅知伯其後侯者六世王者六世而秦卒滅之

狐氏 其先本唐叔之後別在戎狄爲狐氏獻公娶二女於戎犬戎狐姬生文公狐突以姬故事晉爲大夫閔一年申生伐東山突爲戎御二子狐毛狐偃從文公出亡懷公立名毛偃不至殺狐突及文公得國偃二十七年使毛將上軍偃佐之明年敗楚於城濮文六年襄公蒐于夷使狐射姑將中軍趙盾爲佐陽處父改蒐而易之以射姑佐趙孟射姑怒及襄公卒射姑將迎公子樂于陳而立之趙盾不從殺公子樂

於鄆故射姑殺處父而奔狄狐氏亡

晉氏 晉臣食邑於白曰白季從文公出奔及反國

使佐下軍文五年臣卒十二年趙盾使晉甲佐下軍

宣元年放甲而立晉克八年克有蠱疾卻缺廢之晉

氏亡

先氏 閔二年申生伐東山先友爲右僖二十七年

文公使先軫佐下軍二十八年將中軍上德也敗楚

師於城濮文公爲侯伯軫之功實大焉二十三年敗

秦于殽獲三帥是秋免胄馳狄師而死狄人歸其元

面如生襄公以其子先且居將中軍文五年卒七年

先克佐中軍先蔑將下軍先都左之初襄公之卒也
趙盾使先蔑逆公子雍於秦旣而背之故蔑奔秦九
年都作亂殺克晉人殺都宣十二年先穀佐中軍邲
之戰不用命而敗於楚十三年名赤狄將爲亂景公
殺之盡滅其族先氏亡

卻氏 晉公族也其先食邑於卻因氏焉至卻芮而
受采於冀芮事夷吾及文公反國芮及呂甥將焚公
宮公如河上秦穆公誘殺呂卻卻氏廢晉臣過冀見
卻缺釋夫婦敬如賓言於文公而使爲下軍大夫僖
三十三年襄公立卻缺獲白狄子命爲卿文十二年

將上軍宣八年將中軍廢晉氏十二年卻克佐上軍
十三年將之十六年佐中軍十七年將之成二年敗
齊於鞏報其笑辱也十三年卻鑄佐上軍卻至佐新
軍十六年鑄將上軍卻擊將新軍鑄及至擊皆汰後
號三卻鄆陵之役至進六間之說而勝楚反役樂氏
譖三卻而殺之卻氏亡

樂氏 亦公族也晉靖侯孫樂賓食采于樂因以爲
氏賓傅曲沃桓叔其子共叔事哀侯僖二十七年文
公以樂枝將下軍文五年卒十二年樂盾將下軍宣
十二年樂書佐下軍成二年將之從卻克以勝齊于

鞏四年將中軍十六年勝楚于鄢陵十八年與中行
偃弒厲公而立悼公以欒黶爲公族大夫襄九年將
下軍十六年平公使欒黶爲公族大夫十八年佐下
軍厲汰欒氏多怨黶又好施士句畏之二十一年晉
逐欒黶合諸侯以錮之黶入爲亂二十三年克之欒
氏亡

范氏 其先陶唐氏裔也在周爲杜伯宣王殺杜伯
其子隰叔奔晉爲士師故爲士氏士蒍爲獻公除公
族使爲司空士穀嗣之文六年文公蒐于夷將使穀
將中軍先克不可八年作亂九年殺先克襄公殺穀

靈公之立也士會奔秦既而復之宣十二年將上軍
十六年滅赤狄甲氏留吁鐸辰景公請于王以黻冕
命將中軍兼太傅明年先卻克而請老子士燮佐上
軍成十三年將之十六年佐中軍反自鄧陵祈死而
卒十八年悼公使士魴爲卿士澁濁爲太傅襄九年
士匄佐中軍十三年魴卒將使匄將中軍讓於中行
偃十九年將之二十三年克欒氏昭五年士鞅將下
軍定元年將中軍十三年士吉射與中行寅作亂晉
卿共逐之奔朝歌哀五年奔齊范氏亡

中行氏 本荀氏也荀林父將中行故爲中行氏文

七年佐上軍十二年佐中軍宣十二年將之敗於邲
林父請死景公使復其位成十三年荀庚佐中軍十
六年荀偃佐上軍襄九年將之十三年將中軍十四
年伐秦十八年合諸侯同圍齊明年未至而卒昭元
年荀吳將上軍敗無終及羣狄十二年滅肥二十二
年滅鼓二十九年荀寅爲下卿定公十三年與范氏
作亂晉逐之中行氏亡

知氏 亦荀氏也與中行氏同宗荀首食采于知故
別稱知氏宣十二年首爲下軍大夫十三年佐上軍
十七年佐中軍初楚之敗晉于邲也楚人囚知罃及

首佐中軍乃以公子穀臣及襄老之尸易營而歸之
成十三年營佐下軍襄九年將中軍輔悼公以爲政
明於戰陣之法三駕伐鄭遂復霸業營之力也十三
年卒昭五年荀盈佐下軍九年荀躒嗣之定十三年
與韓魏趙共逐范中行氏其子荀瑤求地於三晉故
三晉共滅之在春秋後知氏亡

魯三桓

魯三桓孟孫叔孫季孫也慶父欲竊君位叔牙黨之
季友酖叔牙而立叔孫氏慶父縊而魯立孟孫氏友
獲莒挈而立季孫氏此三桓之始也

季孫氏 自季友獲挈賜田而手文嘉名公卿上卿之兆始應至文子縱遂殺適而魯君失政武子專國而政逮大夫慝悼子平子而昭公見逐桓子嗣立而陽虎作亂康子奪適季氏漸衰原其初本以忠良之心除慶父而安魯國其後驕恣專國而家臣又專其冢天之報施豈誣也哉

叔孫氏 僖四年戴伯侵陳爲叔孫之始其子莊叔嗣之而惠伯別爲叔仲氏莊叔黨遂殺適而惠伯死節穆叔則詛三軍以疆公昭子則憂國而祈死成子繼之數年而卒叔牙之後有四善人皆不得志而莊

叔弑君之子僑如通君之母豎牛餓父武叔殺聖亦足以振叔牙矣

孟孫氏 僖十五年公孫敖救徐而孟氏始至獻子之子宅而別爲子服氏其中文伯賢而死于父先惠叔孝而無後二子知禮而譖死雖以獻子之德莊子之孝僖子之講禮懿子之師聖而穆伯好色幾墜宗祀孝伯黜適以亂綱常其未免慶父之餘孽與

春秋同姓名人

春秋有兩蔡侯中一爲文公一爲昭公僅四世而同名必有一誤也有兩壽夢一爲勾吳之君一爲於越

之大夫有兩庶其一爲苗子一爲邾婁之臣有兩子
羽一爲鄭行人一爲衛行人有兩石乞一爲衛人殺
子路一爲楚人事白公又如介子推晉臣也而又有
行年十五而相荆者見說苑苑春楚行人也而又有
進諫于衛靈公者見呂覽晉舅犯事文公者也而又有
有爲平公參治國政者見說苑吳公子慶忌夫差之
子也而又有王僚之子爲要離所刺者見吳越春秋
管子書載齊桓公之臣弦章說苑又載景公之臣弦
章且傳中范宣子士匄士鞅之父也而士匄相士鞅
又見于昭公之六年按杜注卽士文伯豈與宣子乃

同名哉然漢書古今人表復有兩士鞅一在中上一在中下相去不遠殆不可曉

盟誓

曲禮約信曰誓涖牲曰盟盟者要言以昭神也凡合諸侯者必割牛耳取其血歃之以盟敦以盛血燔以盛耳讀其載書以次乃歃既歃乃坎牲加書而埋之其盟神則無復定限故襄十一年傳稱司慎司盟名山名川羣神羣祀先王先公七姓十二國之祖也其歃必取血及耳以手執玉敦之血進之於口定八年按衛侯之手及椀襄九年口血未乾是也

盟用牛耳卑者執之尊者泣之故鄆澤之盟衛侯請
執牛耳發陽之役衛石魃蒙之盟魯孟武伯皆小國
執牛耳也唯鄆衍之役吳以大國執之不合盟禮故
孟彘不從

凡盟牲用牛而莊三十二年孟任割臂盟公定四年
割子期之心哀十五年與緹從之十六年與緹從已
是倉卒又不必盡用牛矣

兵戎

凡步曰卒車曰乘古者兵車一乘甲士三人卒七十
二人自荀吳毀車爲行始用步戰然魏舒曰彼徒我

車是狄先用卒矣隱之九年北戎侵鄭鄭伯曰彼徒我車是戎又更先用卒矣

服牛乘馬以駕車古無單乘者故古書無騎字左師展將以昭公乘馬而歸蓋單騎之漸

襄公二十四年楚子以舟師伐吳此水戰之始至哀公十年吳徐承帥舟師將自海入齊又海舟之始也拜賜之師遷延之役汎舟之役皆當日所名也

陳名

魚麗之陳鄭莊公禦王也有右拒左拒中軍先偏後伍伍承彌縫

荆尸楚陳名也武王伐隨爲之莊王因之軍行古輶
左追尋前矛慮無中權後勁君之戎分爲二廣廣有
一卒卒偏之兩

崇卒中行穆子敗羣狄也五乘爲三伍爲伍乘以相
離兩於前伍於後專爲右角參爲左角偏爲前拒
伐衛之陳齊莊公作也有先驅申驅貳廣敵肱大殿
楚田獵之陳宋公爲右孟鄭伯爲左孟

鄭翩爲鶴其御爲鷲越子句卒衛支離之卒皆陳名
也覆伏兵也衷中也衡陳橫也簡師精也羸師弱也

刑名

輓車

輓高渠彌

別斷

別強鉏 曰鬻拳自刎者之履曰踊

梏械

鬪射師諫執而梏之

囚

囚聃伯又曰管仲請囚

圜也

圜伯嬴

鞭

貫耳

鞭七人貫三人耳

尸

磔

膊也

磔

扶擊

以朴扶職

繫拘

南冠而縶

醢

齊人醢夙沙衛，魯人醢子路，古極刑也。

劓

後者劓

馘

耳割

炮

燔

炮郤宛

敲

奪之杖以敲之

蔡

流也

殺管叔而蔡蔡叔

亨

烹

亨石乞

軍獲曰俘，毒死曰醜，自經曰縊，餓死曰殓，刎曰自刎。

壹擊而死曰殪不以壽終曰鮮弗良死曰強死祈死者土變叔孫婼不瞑者楚成王晉荀偃

楚成王有僕區之法晉丹書以著罪鄭子產鑄刑書鄧析爲竹刑今有鄧析子書

春秋左傳會要卷二畢

春秋左傳會要卷三

羅江 李調元菴撰

變卦起於左氏

易說變卦起於左氏如鄭伯廖論曼滿自豐上六變爲離晉師救鄭自師初六變爲臨子產論楚自復上六變爲頤蔡墨論龍見自乾初九變爲姤之類其說皆指一爻以立論耳若筮法則諸爻變動原無一定乃左氏所載悉不出一爻之變敬仲之觀六四變否畢萬之屯初九變比季友之大有六五變乾伯姬之歸妹上六變睽卜偃之大有九三變睽棠姜之困六

三變大過穆子之明夷初九變謙姤始之屯初九變比南蒯之坤六五變比晉救鄭之泰六五變需此十事更無變重爻者惟晉之遇復以全卦言而魯之艮之隨以六二不變爻取義豈春秋二百餘年遂無遇兩爻以上之變卦也左氏失誣此可見之

左傳引尚書

左傳引尚書以禹謨作夏書僖二十四年地平天成文七年戒之用休襄三年成允成功二十六年與其殺不辜哀十八年官占惟能蔽志皆大禹謨也皋陶謨亦作夏書莊八年臯陶邁種德臯陶謨也此二篇

今實虞書以太甲作夏書昭十年欲敗度太甲篇也
今實商書以洪範作商書文五年沈潛剛克襄三年
無偏無黨皆洪範也今實周書雖古今叙書或有不
同而太甲之爲夏書更不可解杜氏釋傳往往以書
辭爲逸書則未見古文故也

春秋賦詩斷章

春秋賦詩斷章未必合於本詩之義皆取一章一句
以寄意也左氏引詩以斷意義亦倣此其許穆夫人
之賦載馳鄭人之賦清人秦人之賦黃鳥則作詩之
始也

信公之時周王巡狩至于岱宗季孫行父爲之請于
周太史克作頌故詩有魯頌惟信公而已

逸詩

翹翹車乘招我以弓豈不欲往畏我友朋 我無所
監夏后及商用亂之故民卒流亡 俟河之清人壽
幾何兆云詢多職競作羅 雖有絲麻無棄菅蒯雖
有姬姜無棄蕉萃凡百君子莫不代匱 周道挺挺
我心岢岢講事不令集人來定 何以恤我我其收
之 禮義不愆何恤于人言 淑慎爾止無載爾僞
我之懷矣自詒伊慙

子貢詩傳曰穆王西征祭公述民怨以諫作祈招是亦逸詩也祈招之愔愔式昭德音思我王度式如王式如金形民之力而無醉飽之心

狐裘羸茸一國三公吾誰適從晉士蔣所作詩也

國子賦轡之柔矣逸詩也汲冢周書錄其辭曰馬之剛矣轡之柔矣馬亦不剛轡亦不柔志氣靡靡取與不疑

河水

信二十三年晉重耳所賦

茅鴟

襄二十八年穆叔以諷慶封

新宮

昭二十五年宋公賦音

右皆逸詩有篇名而逸其辭者如白華南陔之類也

歌

濟洹之水贈我以瓊瑰歸乎歸乎瓊瑰盈吾懷乎聲伯

夢歌 我有圃生之杞乎從我者子乎去我者鄙乎倍

其鄰者恥乎已乎已乎非吾黨之士乎鄉人歌 旣

定爾婁豬盍歸吾艾豸野人歌 景公死乎不與埋

三軍之士不與謀師乎師乎何黨之乎萊人歌 魯人

之卑數年不覺使我高蹈唯其儒書以爲二國憂齊人

歌 佩玉繁兮余無所繫之旨酒一盛兮余與褐之

父晚之申叔七禮云云 傳亦不言歌

謳

睥其目皤其腹棄甲而復于思于思棄甲復來

宋城者謳

牛則有皮犀兕尙多棄甲則那

乘

從其有皮丹

然若何人

澤門之哲實與我役邑中之黔實慰我

心

宋築者謳

誦

原田每每舍其舊而新是謀

晉輿人

臧之狐裘敗我

於狐貍我君小子朱儒是使朱儒朱儒使我敗於邾

魯人

取我衣冠而褚之取我田疇而伍之孰殺子產

吾其與之

我有子弟子產誨之我有田疇子產殖

之子產而死誰其嗣之

鄭人簡子產二章

謠

丙之晨龍尾之辰均服振振取虢之旂鶉之賁賁天

策焯焯火中成軍虢公其奔

晉伐虢

鶉之鶉之公出

辱之鸛鶴之羽公在外野往饋之馬鸛鶴跣跣公在

乾侯徵裳與襦鸛鶴之巢遠哉遙遙禍父喪勞宋父

以驕鸛鶴鸛鶴往歌來哭

魯童謠

銘

余掖殺國子莫余敢止

禮臣銘

一命而僂再命而偃

三命而俯循牆而走亦莫余敢侮體於是勑於是以

黼余口

正考父鼎銘

昧且平顯

饒鼎銘

箴

芒芒禹跡畫爲九州經啟九道民有寢廟獸有茂草
各有攸處德用不擾在帝夷羿冒于原獸忘其國恤
而思其麀牡武不可重用不恢於夏家獸臣司原敢
告僕夫

虞人箴

民生在勤勤則不匱

楚箴

辭詞

鳳皇于飛和鳴鏘鏘有媯之後將育於姜五世其昌
並於正卿八世之後莫之與京

聽氏

專之渝懷公之

瑜一薰一蕕十年尚猶有臭

晉獻公

兆如山陵有夫

出狂而喪其雄

衛孫文子

其名曰友在公之右聞於兩

社爲公室輔季氏亡則魯不昌

楚邱父卜成季

是謂沈陽

可以興兵利以伐姜不利子陶

晉救鄭

如魚鏡尾衡

流而方羊裔焉大國滅之將亡閭門塞實乃自後踰

衛卜夢以
上卜詞

士判羊亦無益也女承籬亦無貶也西鄰責言不可

償也歸妹之睽猶無相也震之離亦離之震爲雷爲

火爲羸敗姬車說其輓火焚其旗不利行師敗於宗

邱歸昧睽孤寇張之弧姪從其姑六年其邇逃歸其

國而棄其家明年其死於高粱之虛

晉妹伯姬

南國蹶

射其元王中厥目

晉伐楚

千乘三去三去之餘獲其

雄孤

秦伐晉

同復於父敬如君所

魯莊成季以上筮詞

雜詞

有酒如淮有肉如坻寡君中此爲諸侯師

晉中行穆子

有酒如澠有肉如陵寡人中此與君代興

齊景公右投壺詞

登此昆吾之虛縣縣生之瓜余爲渾良夫呼天無辜

衛侯夢渾良夫譟

諺

古人之言附

山有木工則度之賓有禮主則擇之匹夫無罪懷

璧其罪心苟無瑕何恤乎無家輔車相倚唇亡

齒寒 心則不競何憚於病 鹿焉而縱孽斧焉
畏首畏尾身其餘幾 鹿死不擇音 雖鞭之長不
及馬腹 高下在心川澤納汗山數藏疾瑾瑜匿瑕
國君含垢 民之多幸國之不幸也 殺老牛莫之
敢尸 非宅是卜惟隣是卜 雖有挈餅之知守不
假器 其父析薪其子弗克負荷 室于怒市于色
臣一主三 無過亂門 發不恤其緯而憂宗周
之隕爲將及焉 唯食忘憂 民保于信 無穢虐
土 飛矢在上走驛在下

諫

昊天不弔不憇遺一老俾屏余一人以在位勞勞余

在疚嗚呼哀哉尼父無自律

哀公誄孔子

仲尼一誄諸書互見不同禮檀弓云天不遺耆老莫相余位焉嗚呼哀哉尼父五行志云昊天不弔不憇遺一老俾屏余一人惟世家與左傳同

策命

舅氏余嘉乃勳應乃懿德謂督不忘往踐乃職無逆

朕命

襄命管仲

王謂叔父敬服王命以綏四國糾遯王

憲

襄王命晉文公

昔伯舅太公右我先王股肱周室師保

萬民世祚太師以表東海王室之不壞繫伯舅是賴

今余命女環茲率舅氏之典纂乃祖考無忝乃舊敬

之哉無廢朕命

靈王賜命
齊靈公

叔父陟恪在我先王之

左右以佐事上帝余敢忘高圉亞圉

景王追命
衛襄公

盟辭

渝盟無享國

魯鄭結
初成

皆獎王室無相害也有渝此

盟明神殛之俾隊其師無克祚國及而元孫無有老

幼

晉文公
盟踐土

天禍衛國君臣不協以及此憂也今天

誘其衷使皆降心以相從也不有居者誰守社稷不

有行者誰捍牧圉不協之故用昭乞盟于爾大神以

詩天衷自今日以往既盟之後行者無保其力居者

無懼其罪有渝此盟以相及也明神先君是糾是殛

衛人盟
定濮

恤病討貳

晉盟
清邱

我無爾詐爾無我虞

楚平

宋

凡晉楚無相加戎好惡同之同恤苗危備救凶

患若有害楚則晉伐之在晉楚亦如之交贄往來道

路無壅謀其不協而討不庭有渝此盟明神殛之俾

隊其師無克祚國

晉楚盟
于宋

凡我同盟毋蘊年毋壅

利毋保姦毋留慝救災患恤禍亂同好惡獎王室或

間茲命司慎司盟名山名川羣神羣祀先王先公七

姓十二國之祖明神殛之俾失其民隊命亡氏踣其

國家

晉悼公
盟亳

同討不庭

晉平公
盟溴梁

戮力壹心好惡

同之信罪之有無繾綣從公無通外內

昭公盟從者

踐土之盟曰各復舊職平邱之盟曰無或失職黃池之盟曰好惡同之雖不見本年而互見諸篇若葵邱之五命則詳於孟子

禱辭

齊環怙恃其險負其眾庶棄好背盟陵虐神主曾臣彪將率諸侯以討焉其官臣偃實先後之苟捷有功無作神羞官臣偃無敢復濟惟爾有神裁之

晉苟偃伐齊濟

河

曾孫蒯曠敢昭告皇祖文王烈祖康叔文祖襄

公鄭勝亂從晉于左難不能治亂使鞅討之蒯曠不

敢自佚備持矛焉敢告無絕筋無折骨無面傷以集
大事無作三祖羞大命不敢請佩玉不敢愛

衛太子
戰鐵

誓辭

范氏中行氏反易天明斬艾百姓欲擅晉國而滅其
君寡君恃鄭而保焉今鄭爲不道棄君助臣二三子
順天明從君命經德義除詬恥在此行也克敵者上
大夫受縣下大夫受郡士田十萬庶人工商遂人臣
隸圉免志父無罪君實圖之若其有罪絞縊以戮桐
棺三寸不設屬辟素車樸馬無入于兆下卿之罰也

趙簡子

鐵戰

凡誓辭稱有如日有如河有如皦日有如白水有若大川皆取心之明白也有如上帝有如先君言上帝先君之見其心也

引古書

軍志古書也其辭曰先人有奪人之心後人有得其

衰凡二見宣十二昭二十一又曰允常則歸僖二十八

鄭書古書也或曰鄭史其辭曰安定國家必大焉光

襄三又曰惡直醜正寶蕃有徒昭二十八

隱語

呼庚癸呼餘皇麥麴河魚皆軍中隱語也

葬歌

虞殯送葬之歌也見哀公十一年挽歌不始於田橫之客矣

春秋左傳會要卷三畢

春秋左傳會要卷四

羅江 李調元贊撰

左氏字義

左氏字義謂止戈爲武反正爲乏皿蟲爲蠱今人所知也亥有二首六身今人不知也

用字之異

用字之異者宋公靳之戲而相愧曰靳繩息媯也猶懼不

蕘也蕘至也見孟任從之闕從也既合而來奔也各答也楚人

憇之脫宿也憇教也以蕘陳事也蕘教也屈蕘尸之也尸止也方震

大叔震懷也則朝而墉墉下也子無我廷也廷恐也楚師燿燿燿燿也

也滅鑿而乘于他車擊一足行也弄馬之過隱君身也隱基

問王室其毒也咋謂林楚咋暫也或日大聲雨不克襄事襄成也

是躓言也躓謬也過也君將散之散嘔吐也

以上叛下亦曰叛王叛王孫蘇是也男子喪妻亦曰寡崔杼生成及疆而寡是也男亦曰媵以并伯媵秦穆姬是也至公羊謂昭公欲弑季氏則以上殺下亦可曰弑矣

春秋王侯之享年久者

春秋王侯之享年久者周平王五十一年齊景公五十八年楚武王五十一年杞桓公六十年滕宣公七

十餘年許穆公小邾穆公皆五十餘年邾文公五十年遷繹而卒不爲不吉也

善星文人

善星文者晉士文伯鄭裨竈魯梓慎皆詳於傳時有宋子韋不見左氏而別詳於鴻烈說苑拾遺記諸書能相人者周內史叔服

識牛鳴者介葛盧

勇力人

勇力者南宮長萬之破犀革圍人犖之投蓋於稷門邾人紇之抉懸門狄廐彌之自成一隊秦堇父之登

城隊而復上者三顏高之弓六鈞狼臆之斬囚爭右
先軫之免胄馳狄叔山冉之搏人以投高固之桀石
以投人干犇之請一矢熊宜僚之當五百人子期之
抉豫章殺人慶舍之援楸動于臺如此之類事固甚
奇左氏形容曲盡其妙

善射人

善射者多養由基爲最射徹七札射呂錡以一矢復
命淮南子曰楚有白蜎王射之則搏矢而熙使養由
基射之始調弓矯矢而蜎抱柱號矣

形貌

形貌則晉文公駢脅

合

宋華元睥目

出

目脩腹

大

腹于思

多髮之貌

宋子罕黔

黑

皇國父皙

白

齊陳武子白皙鬢眉甚口吠

楚穆王繇目而豺聲越椒熊虎之狀豺狼之聲

宋公子鮑美而艷元公惡而婉大子痤美而很

惡貌醜也

晉叔虎美而有勇力伯石豺狼之聲

齊陳豹長而上僂望視

衛渾良夫長而美孟縶足不良弱行也

跛

鄭駸度賈大夫俱惡

魯豎牛黑而上僂深目而獶啄

叔孫氏之子

穀梁傳季孫行父禿晉卻克眇衛孫良夫跛曹公子

手僂同時而聘於齊

杜預云行父跛

又長狄身橫九畝斷其

首而載之眉見於軾

美婦人

婦人形貌則孔父之妻美而艷宋芮司徒女赤而毛長而美

手文

手文則唐叔曰虞成季曰友仲子曰爲魯夫人石經古文虞作公魯作表手文或似之

鬼神

左氏近誣先儒既言之矣卽以鬼神論之方伯有之報帶段也國人恐矣然伯有之出乃子皙攻之而段始伐之今不先報皙而顧急殺段何耶且申生之死驪姬譖之也而徒知報惠公之改葬楚成之死本太子商臣所弑也而徒知以不暝爭謚皆昧於輕重矣他如樞聲如牛老人結草秦謀六日而蘇之類皆小說家之談而左氏不免况後世之史書乎

夢異

言夢左氏蓋屢見之夢天使者燕姑趙嬰夢河神者

子玉夢祖先者衛成及孔成文之夢康叔曹人之夢
振鐸昭公之夢襄公韓宣之夢文公荀偃之夢厲公
夢鬼物者晉景之夢大厲夢二豎平之夢黃熊鄭人
之夢伯有衛侯之夢渾良夫至於叔孫之夢天壓已
宋昭公之夢已爲大鳥則幻極矣衛侯之夢謀聲伯
之夢歌則奇甚矣昭七年一歲而言夢者四晉景公
一卒而敘夢者三則煩甚矣

物怪

物怪則豕人立內外蛇鬪蛇出泉宮虎乳子文鳥鳴
出出石言龍鬪雄雞斷尾龍見絳郊左氏之証在是

章句之妙亦在是

衣飾

衣飾則楚子玉瓊弁玉纓

鄭子臧鵠冠

晉卻至韎韍之跗注

齊東郭書皙幘而衣狸製

衛渾良夫紫衣狐裘

雨衣曰製左右異色曰偏衣軍中上下同服曰均服
籃縷敝衣也游服常服也鞶鑑以鑑飾帶也縞帶吳
地所貴紵衣鄭地所貴故子產季札以相贈也

婦人之衣曰蒙衣其近身衣曰袒服

車

車名廣車輶車皆兵車也輶土車卽棧車也犀軒卿車也魚軒飾以魚也衝戰車也巢車車上望櫓也亦曰樓車有障曰藩有衣曰葱靈輦路柴車也衷甸一轅亦卿車也鞞鞞鞅鞞車乘之飾也美澤可鑑言其美也

舟

舟名吳有餘皇比舟爲梁曰造舟

鼎

鼎名郟鼎莒方鼎甲文鼎譏鼎吳壽夢鼎衛舒鼎晉
鑄刑鼎

鐘

鐘名鄭有襄鐘衛有大呂晉有姑洗季武子鑄林鐘

鼓

鼓名晉有密須之鼓

琴

琴名魯齊姜有頌琴猶言雅琴也

劍

劍名吳有屬鏤庾叔有寶劍

弓

弓名魯有封父之繁弱楚有大屈弓無緣者曰弭弓
衣曰強

矢

矢名魯有金僕姑矢之善者曰敢矢桶曰冰亦曰房

甲

甲名晉有闕鞏之甲

旗

旗名趙簡子有旌旗齊有靈姑鉦鄭有蜚弧

玉

王名魯有龍輔璠璣韓宣子有玉環晉有垂棘之璧
崔氏有拱璧周有寶珪魯有夏后氏之璜衛向魍亦
有之爾雅肉倍好謂之璧肉好若一謂之環肉邊好
孔也
雙王曰鼓

器

器名齊以紀獻玉磬賂晉燕以瑤璫玉櫝耳賂齊
鄭有瓊珥王瓚魯昭公賜子家雙琥一環一璧輕服
鄭賂晉以歌鐘鏞磬周有魯壺

賄賂

以人賄者魯賂楚以執斲執緘執紕皆百人鄭賂晉

以師悝師觸師蠲又賂宋以師筏師慧

請帶請冠皆求賂也衛賂叔鮒一篋錦季孫賂梁邱

錦二兩縛一如瑱

木

木名則晉首山有翳桑多蔭桑也楚朝有豫章大木

也趙盾之庭有槐季氏之家有嘉樹

鳥

鳥名則五鳩祝鳩鳴鳩也詳傳中五雉杜曰雉有五種

鸚鸚也九扈扈有九種春扈鵠鴈夏扈鷩元秋扈鷩

桑扈桑扈也九扈九扈也爰居爰居也茅鷦茅鷦也鸚鸚也鵠鵠也鷩鷩也皆鳥

名也

獸

獸名則渾敦窮奇檣杙饕餮封豕皆取惡獸爲喻也
於菟楚人謂虎也臯比虎皮也婁豬求子豬也艾豕
老牡豕也燧象者以火繫象尾如田單火牛之類也
犀似豕兕似牛麋多爲災熊躡難熟鼠有螫毒曰鼯
鼠

馬

馬名則鄭有小駟唐有肅爽衛有啟服晉有屈產之
乘畫馬爲文曰文馬宋景公朱白馬之尾鬣

犬

犬名則晉有獒犬之狂曰瘖狗叔孫有吠狗

龜

龜名則衛有成之昭兆魯臧氏有大蔡儂句

蟲

蟲名則有螽蟴蜚蟷蠃始生曰蝻

春秋左傳會要卷四畢